


Broj: 07/1-19-8-575/24  
Sarajevo, 25.07.2024. godine

Bosna i Hercegovina  
Federacija Bosne i Hercegovine  
Parlament Federacije  
Hamdije Kreševljakovića 3  
71 000 Sarajevo



Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primijeno: 26-07-2024			
Org. jed.	Broj	Priloga	Vrijednost
05/2	02-	423	29

**Predmet:** Odgovor na inicijativu - delegatkinje Sanele Klarić – *dostavlja se;*  
**Veza:** vaš akt broj: 05/2-02-423/24 od 19.07.2024. godine;

Aktom iz veze dostavili ste nam inicijativu koju je pokrenula delegatkinja Sanela Klarić za izmjenu i dopunu Zakona o upravljanju otpadom ("Službene novine Federacije u Domu naroda Parlamenta Federacije BiH BiH", br. 33/03, 72/09 i 92/17) kako bi se u isti uvrstila zabrana upotrebe plastičnih kesa od 15 do 50 mikrona.

Federalno ministarstvo okoliša i turizma 2014. godine donijelo Uredbu o naknadama za plastične kese tregerice ("Službene novine Federacije BiH", broj: 9/14).

Uredbom o naplati za kese tregerice, tržišni centri su uveli naplatu kesa tregerica od 0,05 KM po kesi od kupaca/građana. Naknada se plaća za kese tregerice debljine stjenke do 20 mikrona, dok se naknada za kese koje se koriste za rinfuzne materijale ne plaća.

Zabrana prodaje PVC kesa u trgovinama za sada nije razmatrana. Evropska Unija je kroz izmjene direktive 94/62/EZ nametnula svim zemljama članicama da moraju regulisati upotrebu plastičnih kesa za nošenje čija je debljina stjenke manja od 50 mikrona. Naša zemlja nije članica EU, ali obzirom na status kojem težimo važno je da propisima slijedimo pravno naslijeđe EU.

Nadalje, ministarstvo je 2019. predložilo izmjenu važeće Uredbe o naknadama za plastične kese na način da se istom obuhvate kese do 50 mikrona. Uslijedili su prigovori Ekonomsko-socijalnog vijeća F BiH, Udruženja poslodavaca Gračanica kao i poslodavca pojedinačno kao što su Plastex d.o.o. Gračanica, Variplast d.o.o. Gračanica, Weltplast d.o.o. Gračanica, Lončarplast d.o.o. Posušje, Ferplast d.o.o. Vogošća da se obustavi donošenje Prijedloga uredbe o naknadama za plastične kese dok se isto ne usaglasi sa naknadama na području R Srpske i donošenja propisa u isto vrijeme na području oba entiteta.

Trenutno se u Federalnom ministarstvu radi na izradi novog Zakona o upravljanju otpadom. Ovaj zakon se radi na osnovu novih direktiva EU o otpadu kao i na osnovu iskustava i standarda zemalja članica EU i njihovih zakonskih rješenja o otpadu.

S tim u vezi je imenovana Komisija za izradu Zakona o upravljanju otpadom. Federalno ministarstvo okoliša i turizma podržava inicijativu delegatkinje Sanele Klarić koja se odnosi na zabranu upotrebe plastičnih kesa od 15 do 50 mikrona i istu će proslijediti Komisiji na razmatranje i postupanje po istoj.

S poštovanjem,

Primljeno	Opis	Opis	Opis
15.01.2014.	15.01.2014.	15.01.2014.	15.01.2014.



**MINISTARICA**

dr. sc. Marina Pozder

Dostaviti:

- Naslovu
- Arhivi